

حقوقی بیکسیر مجموعہ سی

آیدہ بر نشر اولتور

قانونی موجود اولدجه نجه متن رسمی به کوره حرکت ایتک مجبوری وارد . آنجق متن رسمیدر بولنوب وکالت متنده تصحیح ایدلش اولان وسیاق عبارهدن سهو ترتیب اولدنی کوزه چارپان تصحیحات وکالت متنه کوره قبول ایدله بیلیر ؛ استانبول برنجی تجارت محکمه سنجه ، سجل تجارت قیدلری وسیله سیله ، بویه بر قرار اتخاذ ایدلدیکی مسمو و عمدر . قانون تجارتک ۴۳ نجی ماده سنی ایسه متن رسمی به کوره قبول ایتک مجبوری درکاردر . وکالتک نشر ایتدیکی متنده ۴۳ نجی ماده نک برنجی فقره سی شویله در : « عنوان تجارت تاجرک اسم ذاتی سیله برابر عائله سی اسمندن ترکیب ایلمک . . . شرطدر » . حالوکه متن رسمی شویله در : « عنوان تجارت تاجرک اسم ذاتی سیله برابر عائله سی اسمندن ویا مخلصندن ویا لقبندن ویا خود پدرینک اسمندن ترکیب ایلمک . . . شرطدر » . عائله اسمی اولمایان بر ملککنده مخلص ویا لقب ویا پدرینک اسمنک نظر اعتباره آلماسی هر صورتله اولادر ؛ ذاتاً ملت مجلسنجه قبول ایدیلوب نشر ایدیلان متن شو ایکنجی شکلده در .

[غ . ف]

قانون مدنی

قانون مدنیده باشلانغیج

اسکی دیکي قانوننرک ایلک اساسی آرمنده کی فرقد

قانون مدنی حقوق شخصییه و حقوق مدنییه بی تثبیت ایلمه مشدر . مجله زماننده تورکک معین حقوق شخصییه و مدنییه سی موجود دکلدی .

نظری اوله رق بر مدنی و شخصی حق موجود ایدی وفقه ایله فتاوا ای موجوده افرادک مناسبات شخصییه و عائله ویه سی حقنده متوافق و متخالف بر طاقم احکام وضع ایدیوردی فقط عماندن اینجی استخراج ایدرکی مجتهدین وفقهائک اقوال مسطوله سندن عصره و احتیاجات زمانیه ایجابات عدالت و حتی حادثیه مطابق حکمی بولق شارع و واضع قانون اولق دیمکدی و هر حالده اجتهادات مختلفه استقرار احکام و امنیت معاملات مانع اولدنی طبیعی ایدی .

بعض خصوصات نکاح ، طلاق ، نفقه ، میراث ، وصیت کبی امورک اشکال بسیطه سی
حقنمه از چوق احکام نایسته تقرر ایتشدی فقط بو احکامک قانونیت کسوه سی اولمدینی
کبی احتیاجات عصره توافقی ده بالطبع موضوع بحث اولیوردی . بو احکام شخصیه
صرف امور آخرتدن معدود وبتون بتون دینی بر ماهیتده کورلمکده ایدی . او جهتله
قضاة شرعیه نیک صلاحیت قضائیه سی آلتنده بولیدور وقانونیتی الزام ایدیله میوردی . بو
مسائلک ملی واجتماعی اوصاف میزه وحقیقه لری نظر دفته آلینمیوردی .

حالبوکه بالذات دین بر مؤسسه اجتماعیه در . بنابرین دین بیله ملی واجتماعی قاعده لری
مقادی در . بر جمعیتک ترقیسی آنحق بواستاسانده احتیاجات عصریه وعلیه و ملیه نیک نظر دفته
آلنسی و بوجهله شخصک سرستی انکشافک تأمین ایله ممکندر . اول امرده بو کون قوانین
الک مهم اساس وضع قوانینده کی استقلالزدر . حقوق شخصیه ومدنیه خصوصنده دار بر
دائرة ده محدود اساسره مربوط اوله رق احکام وضع ایله مک مجبوریتنده قالمق آتیاده
ملی احتیاجاتمز ، عصری ایجاباتمز ، اقتصادی منافعه مز فاصل امر اید یورسه او یولده قانونلری
وضع وتعديل ایده بیله جکزر . بو بر ملتک کندیسنه صاحب ، اصل استقلال و حاکمیت
مالک اولماسی در . بو اعتبار ایله بز شیمیدی به قدر اصلا استقلالزده مالک اولمامشقد .

تورکک کندینه مخصوص بر افقی ، کندینه موعود بر استقبالی ، کندینه خاص بر
استعدادی ، کندی طبیعته موافق اوله حق بر انکشاف آرزوسی واردر . وطنک اقلیمی ،
کرک طبیعی و کرک بین الملل جغرافی وضعیتی سیاسی ، اقتصادی ، حرثی ، اجتماعی ایجاباتی .
منابع ثروتک طرز توزیمی ، هرشی ، هرشی نظره آنحق و آکا کوره بقا و ترقیسی
موضوعاتی اتخاذ اولمق لازمدر . مسائل حیاتیه سی بو نقاط نظر ایله حل ایده جک یرده
بونلری دوشومکدن ممنوع ، بر طاقم قیود عتیقه نیک اسیری قالیرسه استقلال . ترقی ، شویله
طورسون بقا احتمالی موجود اولور میدی ؟ ایشته یکی قانون مدنی وضعنده شخصک
انکشافی ، حقوق مدنیه نیک تأمین امرنده بو مطالعه لردن ملهم اوله رق الک یکی موضوعات
قانونیه نی آرادق . بویله جه اول امرده قانون ، اساسلرینه متعلق بر مقدمه ده بزه یدی
ماده سیله غایت بیوک بر انقلاب احضار ایله مشدر . بو مقدمه بجه نیک یوز ماده لک قواعد
کلیه سیله مناسبدار دکلددر . اشو یدی ماده عصری حقوق فکرینک تلقینات طبیعیه سنک
شکل قانونیسی در . جمعیت حاکم اولمق اوزره ناموسنی ، جاتی ، حریتی ، مالی آله ، رأی
واختیارینه تودیع ایله دیکی کیمسه لردن الک یوکسک صلاحیتله توزیع عدالت ایله مک طلب

ایشمدر موضوعات معینه سی او مایان خصوصاً دره آندن عمومی و خصوصی علمك كفايتی و یو كسك وجدانك عادل تلقیناتی بلكه مشدر .

مجلده حاكم ایچون حكیم ، فهم ، مستقیم ، امین ، مكین دییه بر چوق اوصاف تعداد ایدلمكده در . (ماده : ۱۷۹۲) .

فقط بالطبع بو تعدادك علمی و تطبیقی قیمتی یوقدر . حالبوكه قانون مدنی طبیعی اوله رق بو جهتك قانونله بر علاقہ سی بولنیوب قوه اجراییه طرفندن صورت انتخابه تعلق ایتمه سندن آنكلك مشغول اولمغه لزوم كورمه مش و آنحق حاكمك اعطای حكمده نه اساسلره تابع اوله جغنی كو ستر مشدر . ایشته برنجی و دردیجی ماده لر بو نقطه یه معطوفدر . حادثاتك وفرت تنوعی جمله سی حقنده موضوعات مخصوصه امكانی سالبدر . مجله بو عدم امکان دكزنده ساحل سلامتی بولورم امیدیه بو جالایوب دورمش و بتون تفرعات معاملاته حكم قومق داعیه سیله قواعد کلیه و ضوابط عمومیه نك و بو قیلدن اوله رق كندی مقدمه سی تشکیل ایدن یوز ماده نك بیله مدار حكم اولامیه جغنی تصریح ایله مشدر . (باب اجتهاد مسدود ایدی .)

حالبوكه یكی قانوندها ریاده حادثاتك اوصاف عمومیه سنه نصب نظارله عمومی قاعده لره اعتنا ایله مش و عمومی بر ضابطه اوله رق تقدیر حكامی واسع وكافه نظریات و مؤلفات واجتهادات حقوقیه دن الهام آلمقده افكار حكامی سربست براقشدر . مجله نك تفرعاتی ایچنده داغلمش اولان ذهنلرك یكی قانونی ناقص ظن ایله ملاری بو نقطه لره دقت ایتمه ملرندن منبعثدر . مثلاً : یكی قانونده بر صلح فصلی كورمه نیلر نه پایه جقلمنده تردد ایله یكی قانونك بو بایده ساكت و تأمین حقوقه غیر کافی اولدیغنی بیان ایدیورلر . لاكن صلحكده عذواتدن هر هانكی بر عذ اولدیغی و عذوات حقنده بورجلر قانونك برنجی قسمك عمومی حكملری مقصدی تطمین ایله مكده بولندیغی دوشونولدیكنده و حاكمك حادثه حقنده حق وعدلك ایجابات مخصوصه سنی نظر دقته آله رق و انواع اجتهادات علمییه و مقررات قضاییه دن ملهم اوله رق عندالحاجه بر واضع قانون كبی اعطای حكم ایده بیله جكی نظر دقته آلدیفنده نه قدر سالم و واسع بر یولده تأمین حقوقه چالیشلدیغی آكلاشیور .

حاكم بو اساسلره تابع اولدیغی قدر هر كسده حاكمدن بونلری برحق اوله رق طلب ایده بیله جكدر . بو صورته واسع بر ساحه علم و تدقیق آچیلش دیمكدر . شیمدی به قدر قانونلرك ماده لری اوزرنده یرنده صایق قیلندن او یوشوب قالان حقوق شناسان آرتق

استشهادات حقوقیده بولنق ایچون بتون مؤلفات حقوقیه بی عالم مدنیده متکون مهم حادثات حقده متخذ هر نوع مقررات محاکمی تبیع و تدقیق ایتک ضرور تنده در لر. توزیع عدالت ایچون اوکزه آچیلان بو افق نامتناهی، بوافق منور، چالیشان، وظیفه سنی بیلن دماغلر ایچون نه امین بر ساحه حق و حقیقت در آرتق هیچ کیمسه بر حقک، دوغرو بیلدیکی بر دعوانک بیکلرجه سنه اول یازیلان بر عباره ایله کفنله نوب کومولیه جکنه امین اولاییلر. اسکیدن نوهوسلک آواننده بویله جه بر چوق مغللات حقوقیه دن بحث ایله بعض مسائلده حکامک بر نقطه یه جلب نظر دفته چالیشلمش و بالعکس بوقیل استشهادات حقوقیه نك آنلری اورکوده رك تماماً معکوس نتیجه لره واصل اولندی بی اسفله کورولمشدی. حتی کتب فقهیه دن بیلله اقتباساتی بدعت فرض ایدن محاکمز مجله و اصول حقوقیه ماده لر بی آله موجود بر قالب فرض ایده رك اعطای حق و اجرای عدالت دکل دوغرو یا کلس هر حادثه بی بو پیچمه صوقارق مسئله نك ایچندن چیمقدن باشقه هیچ بر غایه دوشونمز اولمشدی.

بنابرین کافه امورده حق و عدالت جهتی و معاملات ناسده پاییلان شینک دوغرو لنی حسن نیت و استقامتی اساسی آرانیمه رق شریعتک، قانونک او معامله یه نه معنا و یره جکی نه یولده تلقی ایده جکی دوشونیلیمک و حقیقی شکله فدا ایتک اخلاق و طبایعه یلرشمشدی. بو بیوک بر تهلکه، هر نوع ترقیه مانع بر قید و زنجیر ایدی. واقعا یکی قانون مدنی ده منافع عامه ملاحظه سیله معاملات ناسه بعض احوال استثنائی ده قیود وضعنه لزوم کورمشدر. آنجق مجله نك بالعموم عقودی تحت قید و صایته آلمسنه مقابل قانون مدنی و بورجلر قانونی [*] سربستی عقود و حریت معامله بی بر قاعده اساسیه و حقده ده آنجق حسن نیت و نصف و عدالتی باشلیجه معیار اوله رق قبول ایلشدر. (قانون مدنی ماده ۴، بورجلر قانونی ماده ۱۱) بو ایکی اساسدن هانکیسی موافقدر؟ حکامی قیود و عبارات قانونیه ایله مطلق صورتده باغلامق و سؤ استعمالات و سؤ تفسیراته مانع اولمق ده مصیب دکلیدر؟ بو مطالعه نك پک سقیم بر مسلک، پک سطح بین بر ذهنیت محصولی اولدینی اولدینی بوکون بالتجربه آکلاشلمشدر. حق و عدالت ایچون اعتماد و استناد اولنه جق یکانه اساس حکامک ناموس، وجدانی، درستلکی و بیلکیسی در. رباه نص قاطع ایله ممنوع

[*] اکثریا قانون مدنی تعبیری بوهر ایکی قانونه شامل اوله رق نوالانقده یز.

ایدی . فقط بر دور شرعی اویدوریلار ق جائز کورولدی . وقف؛ مال موقوفی تأییداً حق الله اولق اوزره تصرفات خصوصیه دن قالدر مقدی . حالوکه بر اجارتین اصولی ایجاد ایدیلرک آنکده تملیکات شخصییه یولی بولندی . بویله نصص قاطعه نی عمومی ماهیته تفسیرات و تأویلات ایله اورته دن قالدیران ذهنیت مسائل خصوصیه ده نه قدر قاطع اولسه ده عبارات قانونیه نی ایسته دیکی شکلده تأویل و تفسیر ایتکده بآس کورمیه چکنی و کورمه دیکنده اشتباه اولونمالیدر . بویولده نه قدر اسفانک مثالر کوردک !

یکی قانون بتون موضوعاتنده سربست اساسلردن ملهم وضوابطنده غایت ساده وطبیعی در . اوقدرکه یکی قانونک بر چوق احکامک ساده ک طبیعتک و بیسیطلکی جهتیله بر ماده قانونیه اولارق وضعی غریب و حذمتسز کی کورونیر . ایشته دماغلریمزک آلیشمه سی لازم کلن یکی بر طرز تلقی ده بودر . یکی قانونلرک آکلاشیلمه سنده کی کوچلکدن شکایت ایدنلر اسکی قانونک شکلده ویردیکی اهمیتله بعضاً منطق و طبیعتک خلافنده متحکماً وضع ایله دیکی احکامه آلیشهرق یکی قانونده ده اولیه موضوعات مخصوصه آرمه لرندن و بویله مدقلری جهتیله اوغرادقلری شاشقینلنی قانونک غرابقه عطف ایدنلر در . ینه بو قیلدن اولارق یکی قانونده بر حیات و آلاستیتیت کوریرز .

مثلاً بجه میبعک موجود اولمه سی لازمدر (۱۹۷) میبعک مال مقوم اولمه سی لازمدر . (۲۰۰) معدومک بیی باطلدر (۲۰۵) تسلیمی ممکن اولیان شیئی، دریاه باطوبده اخراجی ممکن اولیان قایینی صاتمق باطلدر . (۲۰۹) حین بیعه ده تسمیه ثمن لازمدر . (۲۳۷) ثمنک معلوم اولماسی لازمدر (۲۳۸) الخ کبی احتیاج واعتیاد ناسه اویمایان بر چوق حکملر قویمشددر . بویولده کی مثاللر پک چوق تعداد اولنه بیلیر بونلر طبیعی شیلر دکلددر . بویکونکی احتیاجاته کوره بو احکام تصنع و تحکمددر . عاقیدنی بو قدر صیقی صیقی به اشکاله تابع طوتمق دوغری دکلددر . حالوکه یکی قانون ایکی طرف عقدک اساسلی نقطه لرنده اویوشیرلر سه تمامی ایچون بونی کافی عد ایدیور ، ایکنجی درجه ده کی نقطه لرده بلاآخره اویوشیلامازسه حاکم ایشک ماهیته کوره اونلری تعیین ایده بیلیر دیور . (بورجلر قانونی ماده ۲) . فی الحقیقه اساسلی نقطه لرنده تطابق ایدلش اولان بر عقد اصلاً تمامدر . طرفین حسن نیتده اولدقجه نقاط تالییه ماهیت مسئله به کوره بالطبع حل ایدرلر . انقاط ماهیت مسئله ایله وقت عقدده بالقوه حل ایدیلش تقرر ایله مش دیمکدر . بالاآخره اویوشیلامایوب محکمه یه کیدیلمه سی وضع و حالک آتیا تبدلی جهتیله بر طرفک سؤ نیتله

بورجندن قاجینه سندن منبعث اولاجفندن حاکم ماهیت مسئله یی تحکیماً ایشی قولایجه حل ایده بیلور. دیگر طرفدن مجله ده مبیعک موجود اولماسنی شرط قوشدینی حالده سلم واستضاعی تجویز ایدرک بو شرطنی کندیسی نقض ایلشدرد. یکی قانونده عقودانک تامیتی ایچون بو کبی قیدلر یوقدر. بر عکس یوقایده ذکر اولنان قاعده اساسیه یه توفیقاً احواله کوره تعینی ممکن اولان ثمنی تسمیه ایدلمش عد ایدر. (ماده ۱۸۲) کذلک مشتری تسمیه ثمن ایتمکسزین قطعی سپارش یا بمش ایسه عقدی سپارشک یوم محل اجرا سنده کی فیأت جاریه اوزرینه پالمش صایار (۲۰۹) کذلک ویرلمسی لازم کلن شیئک یالکیز بوعی تعیین ایدلمشه متوسط وصفده اولارق بر شیئک انتخابی بورجلی یه عائد اولوق اوزره عقدی ینه تمام عد ایدر (۷۰) عین اساسلری اچارده ده بولور. فی الواقع مجله دائماً قطعیت آرادینی حالده یکی قانونلرده معاملاتک سهولتله تدویری ومناسباتک توسمی ایچون اشکال اوزرنده قطعیت جهته اهمیت ویرلمه رک عقودانک ممکن اولدینی قدر طرفینک هر درلو احتیاجلری دائره سنده ترویجی الزام ایدلمکده در .

ایشته ایکی قانونک اساسات مهمه سنده کوریلن فرقلرندن یرینه معطوف اولان بونقطه نظری ده یکی قانونک تبعنده معیار اتخاذ ایدرسه ک روحه دها قولایقله نفوذ ایده بیلورز بو وجهله یکی قانونده آریجه بر یینه فصلنک وجودینه نیچون لزوم کورلمدیکی آکلاشیلور . حاکم آنجق حق وعدالتله مقیددر. حاکمی هیچ بر یینه قیید ایده مز وینه ده هیچ بر شکل ایله مقید اوله ماز. متلا قانون مدینک یدنجی ماده سنده رسمی سجل وسندلر بیله آنجق طوغری ایسه معتبر اوله جنی کوسترلمش وطوغری اولدینی ثابت اولورسه آنلرله احتجاج اوله میه جنی وطوغری اولدقلرینک اثباتی ایسه هیچ بر شکل مخصوصه باغلی بولمیدینی تصریح اولمشدر . حاکم حق وعدالتی تحریده هر وجهله سربستی تقدیره مالکدر. قانون مدینک دردنجی ماده سنده حاکم تقدیرنده آنجق ایجاب حال وحق سببلرله حق ونصفتک حاکم اولدینی اساسی وضع اولمش و بورجلر قانوننک ۱۱ نجی ماده سی دخی عقدک محنتک هیچ بر شکله تابع اولدینی کوسترمشدر. بو اساسلر قوندقدن صکره آرتق یینه نک هانکی طرفدن کتیرلمک لارم کله جکی وینه نک نه شکله بولنه جنی جهتلرینک تعینی صورتیله حاکمی تحری حقیقته بر چنبر آلتنه قویقده حکمت قالمدینی توضح ایلش اولور . آنکچون یینه نک شکل وماهیتی حقنده فصل اولدینی کبی ترجیح بینات حقنده احکام وضعنه محل کورنالمش و بنابرین پک

طبیعی اوله رق مجله نك بنات و تحلیفه متعلق اون بشنجی کتابنده کی ضوابط و احکامه هیچ احتیاج قالمشدر. قانون مدنی حاکم وجدان و قاعتهی تسویر ایچون آرادینی استقامت لک بر طاقم اعتباری قاعده لرده دکل کندیسنگ عقل سلیم و علم و ذکا و وجدان صافده اک امین اوله رق بولنه بیله جگنی کوسترمشدر. بو جهته ساده جه قانون مدینک ۶ نجی ماده سی طرفیندن هر برینک مدعاسی اثباته مجبور اولدیفنگ ارئه سیله اکتفا ایشدر. یالکز عائدیتی حسبیه اصول محاکمه ده بو بایده طرز معقول و مقبول ارئه اولنور. حاکم ایچون حق و حقیقه ی بولق خصوصنده یالکز بر جهت کوسترلسی و مسئله نك یالکز معین بر نقطه دن و بر یله جک ضیا ایله محدود و غیر کافی بر صورتده تسویر یله حلتک امر ایدلسی عدالتی دکل کلیشی کوزل هر هانکی بر طرفی التزام ایلکدر. بو سیستم انواع تسویراته یول آچار. مقصد حقیقت اولیوب شکک وقایه سی کافی اولنجه اوشکلی بر طاقم قالب و دوزن لره ایدور مقصدن قولای نه واردر؟ حالوکه یکی قانون حکامه حق و حقیقه وصول ایچون میدانی آچیق بر ایشدر. طرفینک کندی مدعاسنه کتیره جگی بینه حقیقتک تشکته دکل حاکم قاعتهی تشکیله مدار اوله جنی جهته بو شکده مقصد عدالت پک اساسی اوله رق تأمین ایدلش بولنه جغنده شبهه یوقدر. بو وجهه یکی قانون حقیقت حق آرادینی کی حقیقه طوغریلقده کوریر. چونکه حقتک دوغومی ایچون طوغریلق اساسدر. (قانون مدنی ماده ۲) طوغریلقی اولدینی یا ثبوت ایله و یا ایجاب حال ایله تعین ایتدیکه کیسه حقنده اشتباهه حق یوقدر (قانون مدنی ماده ۳) آنکچون قانون مدنی ۸۹۷ نجی ماده سنده مال مسروقک بیله مثلا بر بازارده آلتش اولق کبی بر صورتده حسن نیت و طوغریلقه اکتسابنده یدندن سرقت اولنان کیسه نك آنحق ثمنک اعاده سی شرطیه حق دعواسی اوله بیله جگنی کوسترمشدر. حالوکه مجله ۳۶۵ نجی ماده سی ایله بیعتک نافذ اولسی ایچون بالعتک مییعه مالک اولسی و یا بیعه وکیل بولنسی و بیعهه غیرک حق اولماسی مشروط بولن دینی تصریح ایلش و مسئله ده طوغریلق و حسن نیت جهتلرینک تحریسه محل کورمیشدر.

ایشته بوراده ده ایکی قانون آرهنده مهم بر مبانیت کور یوروز. یکی قانونه کوره حسن نیتله مال مسروق صاتون آلانک حقوقک محفوظیتی و مجله یه کوره ایسه مالی لندن چالیش اولان کیسه نك مطلق صورتده حقوقک محفوظیتی کورلمکده در. شوا یکی حقوقک تعارضنده معاملات عمومی و اقتصادی نك صیاتی و ترقیات تجاریه نك و بالنتیجه

ثروت عمومیه نك تأمین ایچون حسن نیت قید اساسیسنك معیار اتحادی و بیع و شرا امورینك هر نوع شبهه و تردد لردن قورتارلسی البته اوفق کوریلور . فقط هر حالده یکی قانون بو باده اشبو حکمنه فضلہ بر قید احتیاطی قومقمدهده اہمال ایلماش و ایجاب حالہ کورہ کنڈیسندن بکله نیلن اہتامی صر فی ایتمین کیسه حسن نیت اداسنדה بولنہ میہ جغنی تصریح ایتشدرد . (قانون مدنی ماده ۳)

فی الواقع مثلاً مسروق بر تحویلی بورسہدن مبايعہ ایتش اولان بر صراف مذکور تحویلک نومروسنك اشارتیلہ سرقی اعلان ایدلش بولندیفی حالده حسن نیتنی مقام دفعده در میان ایدہ مز . چونکہ صرافدن بکله نیلن اہتام بو کی اعلاناتی قید و یاپہ جغنی معاملاتده بولنرہ دقت ایلک اولدیغندن بو خصوصده کی کنڈی قصوری بو باده کی حق مدافعہ سنہ ایرات و هن ایدہ جکی طبعیدرد .

یکی قانون حق و عدالت و حسن نیت و طوغریلق عمدہ لرنده او قدر قطعی و بی پروا در کہ بر حق بیله فائده سر و صرف غیرک اضرائی نتیجہ سنندن بشقہ بر حکمت و جود ی غیر جائز کور بر سه او حق مردود عد ایدر و آندن صاحب حقل و قوعبولان مطالبہ سنی قبول ایلہ مز . (قانون مدنی ماده ۲ ایکسجی فقرہ) ایشته بو اساسہ مبنی بورجلر قانونسك ۶۷ نجی ماده سنده بورجك بالذات بورجلی طرفندن ایفاسنده آله جقلینك منفعتی بولونمده جہ بورجلی بورجنی شخصاً ایفایہ مجبور اولمیدیفی کوسترلشدرد . آله جقلینك آله جغنی مدیونندن مطالبہ ایلسی بر حنردر . فقط کوریلور کہ بر فائده سی موجود اولمیدیفی حالده بو حقلک مطلق صورتده قبولی ناممجلدرد . حالبوکہ مجله بر حقلک طلب و تطیقنده نه مقصد و نه ده نتیجہ نی تدقیق و تحری یہ لزوم کور مامشدرد . حق مطلق صورتده حقدر و مطلق صورتده صاحب حق طرفندن طلب اولنہ بیلور . بنابرین آله جقلینك منفعتی اولسدهده شخصاً بورجلیدن مطالبہده حق موجوددرد . بو جهتله نه شرائط تحتندہ اولور سه اولسون محیلک بورجنی محال علیہ حوالہ سی کنڈی قبول و موافقتی اولمقسزین حکمی افاده ایدہ مز (مجله ماده : ۶۸۳)

ایشته یکی قانونک مقدمہ سی اوزرینہ خاطره متبادر مطالعات مبسوطہ ایلہ ایکی قانونک یکدیگرینہ متعارض ایلک اساسلری و هر ایکسینكده نه کی بر ذہنیتدن الهام آلمقده اولدقلری آکلاشیلور . یکی قانون اساسلرنده ده عصری ، ده طبعیت و اعتیادات و احتیاجات و اقتصادیاتہ موافق ده عادلانه و حکامک صلابت اخلاق و علویت وجدانه

دها اعتماد دارد. چونکه اروپا و بالخاصه اسویجره و انگلیز و آمریقا مدیترینک، ژوئیرینک و سعت و انکشافی معاملات عمومی ده کی امنیت متقابلہ یعنی صلابت اخلاق و تعہداتہ صداقت محصولیدر.

فی الواقع (لارومیہر) Contrat et obligation نام ۱۲ بیوک جلدک اثرده تفصیل ایلدیکی کبی انسانلرک حیوانات سائرہ دن اک بیوک وصف میزلی تعہده اهل اولمیرنده در. بو وصفده نقدر ترقی و تعالی ایتیش اولورسهق اوقدر انسانیتیز تکامل ایتیش دیمکدر. آنکچون یکی قانونده هپ عین منبعدن صلابت اخلاقدن انشعاب ایتیش اولان حسن نیت و صمیمیت و امنیتی هر خصوصده اک برنجی عمده اوله رق قبول ایتیشدر. تورک ملتی و تورک حاکمیری قانونک کندیلرینه کوستردیکی بو اعتماد هر وجهله لایق یوکسک سچییه صاحب اولدقلرنده اشتیاء ایتاملی زواضع قانونک بو بایده نه قدر حقلی اولدیغنی زمان و تجربہ نک اثبات ایدہ جکنہ امین اولمی ز.

یکی واسکی قانونلرک شو ایلک اساسلرنده کی فرقلری مطالعه ایلدکن صکره هریکی قانونک موضوعات خصوصیه لرنده کی عمومی آیریلقلری نظرندن کچیره بیلورز.

آوقات

محمد طلعت

قانونہ تجارت

آلتون تأدیات

آلتون تأدیات شرطندن متحصل مسائل حال حاضرده هر مملکتده حد بر شکل آلتیشدر. نقد و مسکوکات فیثاتلرینک قرارسزلنی قارشوسنده افراد مقاولات خصوصیه ایلہ قیمت اولچولرینی ممکن اولدیغنی قدر صحیح و قطعی بر صورتده تثبیتہ غیرت ایلکده درلر. بو اندیشه پک طبیعیدر. تجار ثابت بر نقده محتاجدر نصلکه معمارک ثابت بر طول اولچوسنه احتیاجی اولدیغنی کبی. اولچو واحد قیاسلرینک هر کون و حتی هر ساعت دیکشن بر انشاآت تشبثک حالی نه اوله جنی بر کره دوشونولسون.

بنابرین ایشلرنده استقراری تأمین ایچون مقاولات خصوصیه لرنده درج ایتدکلری